

畿輔通志卷六十四

略十九 輿地十九 山川八 順德 廣平 大名

順德府 山

邢臺縣

土山在城內

府志

龍岡縣東百五十步昔冉閔攻石祗於襄國

爲土山地道於此

元和郡縣志

封山在縣西二十里

縣志

雍正志

以邢侯初封此而名亦

謂之西山

雍正志

五代梁開平五年晉王存勗自柏鄉乘勝攻

邢州全忠遣將徐仁溥帥兵自西山夜入邢州助保義帥王

檀城守蓋乘高而下則晉兵不及備也

方輿紀要

孤山在封山西十里

縣志

陡絕多石其旁平坦可以耕藝

方輿紀要

明知縣朱誥於此築宸堰以蓄水灌田

縣志

仙翁山在縣西北三十里

府志

唐時仙翁張果嘗止息其上元

宗因封其山為仙翁山

明一統志

山腰有張果洞

雍正志

洞有池水

不盈尺不涸不溢名曰聖水盆明知縣朱誥鑿石丈餘泉出

愈盛

縣志

馬鞍山在縣西北三十八里山脊隆起其南有泉曰金泉北

曰玉泉

方輿紀要

山腰有洞可容千餘人

大清一統志

洞中有井昔戊

兵防秋嘗屯於此

康熙志

龍山一名石婆山在馬鞍山北

雍正志

舊有碧雲洞今廢

縣志

百花山在縣西四十里

府志

雍正志作四十二里康熙志縣志作三十五里

巨石巉

巖

方輿紀要

甚崇峻石色青白有類百花

大清一統志

雷公山在縣西北四十三里

雍正志

上有雷公廟

明一統志

漢末黑

山羣盜張飛燕等不立君長直以名號為稱多髯者謂之羝

公大聲者謂之雷公時有雷公賊保此因以為名元和郡縣志

謹案雷公本漢末賊名明一統志以為雷神府縣志山上

有雷神廟明顧綬又謂黃帝臣善醫之雷公誤

清城山府縣志在縣西五十里百花山西七里河出此大清一

統志

石梯山在縣西南五十里路陡如梯同上

牛洞山在縣西五十五里東有五塔腦府志

老雪縣志山在縣西與牛洞山相接康熙志

龍尾山在縣西六十里同上一名龍尾尖府志

霹靂山在縣西南六十五里同上康熙志作七十五里

關門山在縣西南六十五里康熙志相近有方山寨令公腦縣志

薛村山在縣西七十里雍正志有楊臺寨又三里為馬莊寨村

大清一統志 形似卧馬有泉昔人避兵於此府志

米花山在縣西北七十里同上

凌霄山在縣西北七十里府志作八十里徑路崎嶇山上寬平西坡

下為黃谷巖大清一統志一名龍霄山蒼翠而聳出其背為障數

闕可以架筆王世貞歷黃榆馬嶺記

栲栳紅山在縣西南七十五里府志縣志山形似栲栳而

紅縣志巉削嶙峋旋繞難登有碧霞元君祠大清一統志俗名小西

天康熙縣志亦曰西頂沙河縣志國朝金奇逢由湯山道抵紅

紅山尊插天一峯獨三十六盤紆崩崖掛飛瀑俯視一切山

羅列等臣僕譬若將軍營刀劒森銀竹又若晦冥時雲龍競

馳逐更若大江濱千檣櫓舳舻峭壁削寒清烟雨渥新沐所

惜太崕岬未免螺痕禿紺祠迴層巔鐘聲出杪木碧霞事無稽宮妝盛幘服想屬掌陰教往往顯威肅告虔藉蕤香三日先齋宿捨身大不經亦怵人耳目愚夫轟如雷千里紛蹄轂茲遊豈隨眾寄興在林麓溫泉距數武洗我塵萬斛迴瞻捫蘿處孤絕不可復安得滄洲師生綃圖十幅

鼎梅山與栲栳紅山相連俗名三尖五平山

康熙志

謹案府縣志皆謂此山與栲栳紅山相連雍正志謂三尖

五平山在府城西一百二十里疑誤

翠陽山在縣西八十五里

府志雍正志作八十里

石門山在縣西南九十里

雍正志

中邱縣有石門塞

晉地道

石門

塞邢州之險要也

輿地紀勝

石勒遣苻季龍進據石門圍取襄國

十六國春秋

溫居山在凌霄山西北二十里

大清一統志

有西陽寨昔人避兵

處

縣志

牛心山在縣西九十五里

同上

老翁山在縣西南一百里一峯聳絕狀如老人

康熙志

相連為

子母山狀如婦抱小兒又名孩兒山

大清一統志

巨山在縣西一百里

康熙志

去牛心山十里

縣志

鵲山在縣西北一百一十里岡巒鵲起

方輿紀要

水經注云山有

穴出雲母

太平寰宇記

謹案山縣志俱不載此山蓋因內邱縣亦有鵲山故耳攷寰宇記在內邱者為蓬鵲山而繫此山於龍岡縣方輿紀要亦兩存焉蓋一山跨兩境也故仍載入

夷儀山在縣西南一百十五里

康熙志雍正志皆作一百五十七里春秋邢遷

於夷儀卽此

府志

夷儀山在城北故塞

太平寰宇記

夷儀嶺在龍岡

縣西百五十七里

元和郡縣志

相連為王保寨

縣志

樂平縣東南有

夷儀嶺道通襄國

晉地道記

八盤山在縣西一百二十里

府志

自麓至嶺旋繞八級

大清一統志

謹案康熙志此山在府西北一百四十里雍正志一統志

作西南九十餘里方位里數與府志不符

天紅山在縣西南一百二十里老翁山西石色多紅

大清一統志

水門山在縣西一百二十五里

雍正志

水門村西二十五里卽

黃榆嶺

畿輔輿圖

百巖山在縣西北一百三十里

一統志府志俱作百里

山高險郡境諸

山之望也

方輿紀要

龍岡縣西北有巖山其山峻極有百巖故名

太平寰宇記

紫金山在縣西一百四十里元劉秉忠張文謙張易王恂嘗

同學於此

大清一統志

山東又有山石色青白類花亦名百花山

府志

風門山在縣西南一百五十里

府志

康熙志雍正志俱作四十里

洺州記曰

龍岡有風門山冬夏多風

太平寰宇記

嶓嶓山在縣西一百五十里山腰有水如線康熙志山在黃榆

嶺下一名婆婆山雍正志

龍門山在縣西南一百七十里府志康熙志作六十五里

焦山嶺在縣西南七十里雍正志

露蘿嶺在縣西八十里康熙志作南至夫子巖十五里大清一

統志

秦王嶺在縣西一百四十里雍正志嶺下有寶王洞昔人避兵

處縣志

清風嶺在縣西一百六十里山勢高聳盛夏無暑氣大清一統志

有邊牆一道澗水通流其中雍正志

馬嶺在縣西北一百六十里方輿紀要作其地峻險為戍守

要地大清一統志唐天祐三年河東帥李克用遣其將李嗣昭攻

邢州朱全忠將張筠引兵助守設伏於馬嶺嗣昭至為筠所

敗遂引還方輿紀要嶺平坦處有邊牆二道外有溝澗曰鬼谷溝

府志南為牛心腦北為韓信寨縣志明王世貞韓信寨詩迴

分一線地挑為北戒雙輪天捧化中原蘋端噫氣千峯折

木杪蒸雲萬古屯我欲著書從此逝無煩令尹候關門

黃榆嶺在縣西北一百六十里府志作百石徑盤旋形險道

衝有邊牆一道大清一統志嶺北有陳宋口方輿紀要明王世

貞歷黃榆馬嶺記余

歷三關返邢之內邱宿晨由內邱出南門異道而行可四十

里得陂陀土山又數里轉山足為黃寺使者當屯所也署路

寺門而廬割寺三之一前伏泉如濟匯為池中有亭亭焉折

而右度嶺得大澗兩山夾之中流泉鏗然鳴巨石如象而黑

者累累若下飲循澗可二十里得村曰米花度米花村數里

得一嶺始與泉左嶺益高忽下墜為谷若井然山類多土亡

奇者稍可以田忽蒼翠而聳出其背為障數闕可以架筆問

之士人曰此所謂龍霄山也又穿一二嶺久之山益束而陘

兩壁陡上數百仞奇石拏攫爭奮為下輿猿接縈紆乃上步

數躡又可十餘里山忽兩卻而闢成巨壑可屯數萬人旁稍

高阜居民廬之百餘家突起而壘者二其一寺據之其一曰

朱家莊堡亦使者當屯所也堡距黃寺可六十里許其西北

距黃榆嶺七十里而遙西距馬嶺五十里而遙西稍北距錦
繡堂嶺四十里而遙堡綰之蓋走太行要道也余宿堡四鼓
乘月起擬之黃榆行五十餘里類多大澗雜石低昂土山余
甚厭之以其勝不能當龍泉半而亡何度一嶺稍下山四卻
而闢其圓若規道欲絕者徐睨前旌旗如左元放破壁而入
迫之得一間道僅容馬兩崖造天石色秀削太古水聲淙淙
不斷蹙沸泡起中石輒韻旋轉十餘折仰視天亦隨而迂迴
者色或青或蒼或赤以山映之故泉益雄石亦益爭勝中有
偃石從數丈許衡半之其潤可以碑過半里許始出峽崖復
稍稍闢矣遙望右崖際天直走而西上爲連城自然睥睨樓
櫓懸壁千仞中忽有泉注而下爲柱得日若瓊得空若琉璃
無所得若白銀下飛瀑絕陁左崖鳥道千折而上爲關石奇
秀萬狀余足數路氣拂逆然時時心語龍泉勝乃不能當此
半幾欲奪彼記語予之旣抵關肩峻壁而脅大壑不知幾百
千仞關口一橫澗澗之橋而度已度折右上里許得山頂以
爲山盡是矣旣登而西北望高倍屣者十者百者不可窮至
目境盡而止信乎稱太行天下脊又云上黨者天與黨也歸
宿宋家莊堡以當祀纛還順德暫還大名又旬日復屯黃寺
再之宋家莊乃上馬嶺馬嶺道近黃榆十之三險半之饒水
泉雜石爲足抵夕宿於關大風起轟殷若席捲三晉而東擲
之海于卧石室中惴惴不能寐五鼓風息起閱西城關兩山
中斷若劈巨靈斧者下視寥閬不見底爲橋道之其西不可
以旋馬蓋天險也已歸正東見紅日抹一線徐出巨甑千山
若燒爲凝睇者久之戍者曰錦繡堂大率馬嶺類也而道小

無宿所予乃命張倅行視申約束而罷 又黃榆嶺詩太行
無際碧天愁榆塞寒帷萬古收紫氣東盤滄海出黃河西抱
漢關流秦韃忽動雙鴻暝刁斗頻敲萬馬秋薄伐至今仍列
戍教人無奈說并州 李攀龍詩西嶺秋高大陸前馬陵寒
影踏遙天羣峯不斷浮雲色絕嶂長留落日懸地險關門啣
急峽山奇削壁挂飛泉何人更遇青泥飯有客空歌白石篇
西來山色照邢襄北走并州擁大荒巨陸秋陰沙渺渺石
門寒氣雨滄滄天邊睥睨懸句注樹杪飛流挂濁漳搖落故
人天極目朔風
千里白雲翔

支鍋石嶺在縣西一百五十七里

畿輔輿圖

清風嶺南四十里

三嶺並起狀如支鍋

府志 明顧綬詩崇岡歷盡是邊關此去縱橫更有山九塞控弦今納欵三軍

超距且投閒嵐光遠映旌旗外澗道平分營壘間形勢漫誇堪保障還如蓬島在塵寰

折虎嶺在縣西北一百五十八里北至黃榆嶺六里

畿輔輿圖

石板房嶺在縣西北一百六十五里北至馬嶺十六里

黃朝巖嶺在縣西一百六十八里嶺南八里又有明水嶺

貨郎神嶺在縣西南一百八十六里北接莊兒角嶺

俱同上

夫子巖在縣西南一百六十里相傳夫子周流嘗憩此南有

邊牆大清一統志巖下石像前有水一池清澄可愛又八里爲莊

兒角嶺縣志

嘲巖在馬嶺北康熙志

石井岡在縣西北七里同蓼水出襄國石井岡岡上有井大

如車輪水經注隋區宇圖志云光武營軍時所鑿太平寰宇記晉大

甯元年天旱沙門佛圖澄於石井岡掘得一龍長尺餘咒之

騰空而上雨卽下因名龍岡後趙錄

野狐岡在縣西北十里野狐泉出焉畿輔輿圖

鹿城岡在縣西北三十里雍正志方輿紀要作府北十五里邢侯欲於此築

城立標已定夜有鹿啣標徙於今城處康熙志

火石岡在縣西三十五里畿輔輿圖

卧龍岡在馬鞍山西南中空可容百人世傳卧龍於此府志

琉璃坡在縣南三十餘里西山垂盡岡脈起伏處也唐龍紀

初李克用敗孟方立兵於琉璃坡又景福二年克用攻李存

孝於邢州使李存審引軍屯於琉璃坡蓋備存孝之南走也

方輿紀要

香鑪寨在百花山西十里狀如香鑪縣志又五里爲五馬寨鐵

筆寨雍正志

方山寨在縣西南七十里康熙志秦王嶺東北縣志

牛家峪在縣西南五十五里同上

廣陽洞在縣西一百二十五里雍正志洞深五丈縣志世傳有仙

居北崖上石隙中有水映日如蜂飛絲垂崖下有方井井有

泉不涸崖西有乳石形如傘蓋舊名慌慌洞康熙志明知縣朱

誥改今名府志

石佛洞在秦王嶺東相近又有仙翁洞中有石仙佛像縣志

沙河縣

白龍山在縣西十五里同上府志康熙志雍正志作三十五里

鳳凰山在縣西二十六里康熙志雍正志府志俱作四十里與白龍山相接

狀若鳳凰故名縣志相傳有鳳凰鳴其上康熙志

禾山在縣西南三十里上有寨府志其西有小山俗亦謂馬鞍

山縣志

龜山在鳳凰山西北去縣三十里按康熙志雍正志府志俱作四十里

黑山在縣西四十里俱同上山石多黑因名方輿紀要黑山在沙河

縣西四十里出鐵元和郡縣志

狼牙山在縣西四十五里府志雍正志作四十里

王母山在縣西南五十里

縣志作四十五里

王母曾到此故名

府志石

多黃色亦名黃磨山稍西南一山其巔有石壘如寨亦名鳳

凰山

縣志

謹案府志王母之說殊屬不經蓋由黃磨音轉而訛也

保安山在縣西北五十里上有一巖穴名清涼洞東北接邢

臺縣界南臨沙河

象山在縣西北六十里孔莊村

靈山在縣西北六十五里孔莊西俗傳人到此稍有聲歎山

必響應故名

塘山在縣西南七十里叢谷村南

崂山在縣西南七十里塘山西北

俱同上

梅龜活山在縣西南七十里宋初王舜據此爲寇爲楊業所

擒今有梅龜寨

大清一統志

廣陽山在縣西七十里盤礴高聳諸峯羅列

康熙志

上有泉曰

漆泉泉右有漆泉寺

大清一統志

是山綿亘數里有羅漢老君千

佛三洞在其上山陰有獅腦砦亦名秦王砦其下卽秤鉤灣

縣志

明史與祿詩一嘯窮崖萬木巔何來鼓吹入風烟穿雲磴圻丹梯隱漱石泉飛玉乳懸三晉峯陰搖劒外二漳練

影落尊前狂來莫漫談冲舉瑤草紛紛古洞邊張時漆泉詩五馬驅馳到漆泉巍巍宮殿上齊天寺邊老樹無今古洞

口閑雲任往還護法青龍當牖見忘機白鹿向窗眠吾今已被功名絆不暇從容問老禪國朝申涵光詩云絕巘秋煙

合蒼茫一氣中此行猶築舍萬事已驚弓雨沒遙山樹霜催昨夜風陶潛歸去早履杖有人同久別山園路空慚避世

心亂離塵日短高卧野堂深酌酒依紅樹看棋坐碧岑桃源開復閉此地可重尋

湯山在縣西北七十里

府志孔莊西北縣志

石室幽勝下有湯泉

廣輿記

山海經云湯山湯水出焉此湯能愈疾爲天下最

太平寰宇

記

山後側巖上有石室絕無塵穢俗號聖人室

隋圖經

謹案府縣志俱載聖人室於廣陽山下今據寰宇記雍正

志一統志載於此山

雞冠山在縣西北七十里

康熙志 雍正志府志俱作縣西九十里象山西北志

峯山在縣西南七十五里

同

赫山在縣西八十里

府志作百里縣志作七十五里

下有九龍潭前有九龍

神廟

大清一統志

山在磬口山後中藏一谷若溝若隧窈豁阻深

有磴道可達其底循級而下迤西折而北兩峯對峙狀如雙

闕龍神祠及龍湫在焉祠後山上澗中有小潭九卽九龍潭

也潭水下注匯入龍湫

縣志

旱禱輒應

明一統志

赫山歌并序沙境之西

九十里其取名山來無考特以九龍神廟在焉故遠
邇競稱之余因祀事至止頌仰周察恍然獲所以命名之意
取象本字會述之於蒼紀顧其色亦類猶略焉未及乃作此
歌俾眾著云太行南來千里聳蜿蜒磅礴爭騰踴邑西縱橫
疊嶂排嶺翔虬伏皆支龍湯山磬山自古傳倉門峽門亦炳
然惟有赫山最幽閑雲封縹緲居神仙吾聞石門與馬耳雙